

A E Revelashon di Hesus Kristu na Juan (Revelashon 1:9-18)

❖ Unda: Na Patmos (1:9)

— KIKO TABATA EINAN NA PATMOS?

(1) Patmos ta un isla seku i yen di piedra (10x6 mi—16x10 km). Romanonan a establese un kolonia penal einan.

— PAKIKO JUAN TABATA EI?

(1) El a wòrdu akusá di herehia pa predikamentu tokante di Hesus Kristu ora é tabata un hòmber ansiano. E emperador Romano Domitian a deport'é einan (entre 81 i 96 AD)

— KIKO HESUS A HASI PA JUAN?

(1) Hesus a trese pa Juan palabranan di speransa i enkurashamentu, manera El a hasi pa e hobennan den e fornu di kandela i pa Esteban ora ku é tabata wòrdu matá.

— Nos por ta sigur ku Hesus semper lo ta ku nos ora nos sufri tribulashon di ta testigunan fiel.

❖ Ki tempu: Riba e dia di Señor (1:10)

— Kon nos mester interpretá “E Dia di Señor”?

(1) Djadumingo: “E Dia di Señor” a wòrdu huzá pa referí na Djadumingo pa promé bia serka di e fin di e di dos siglo. Esaki no tabata nifiká “Djadumingo” den Juan su tempu.

(2) E Segunda Binida: Esei lo nifiká ku Juan ya kaba tabata risibí un vishon di e Segunda Binida ora el a risibí e Revelashon nobo aki (Isa. 13:6; 2Ped. 3:10). E teoria aki no ta wòrdu sostené dor di e tèkst den Revelashon.

(3) Sabat: Den e Tèstament Bieu, Dios (e Señor) a yama e Sabat “di mi”, pesei esaki ta Su dia (Ekso. 31:13; Isa. 58:13). Hesus tambe a yama Su mes “Señor di e Sabat” (Mat. 12:8; Marko. 2:28). Pesei Juan a risibí e Revelashon riba Sabat, e Dia di Señor.

❖ Kon: Komo e Sumosaserdote (1:12-18)

— Kiko tabata e aparsia físiko di Hesus den Revelashon 1? Kompara Revelashon 1:13-16 ku Daniel 10:5-6.

— Nan vishon ta hopi similar, asina tur dos profeta amira e mesun di Hesus Kristu. Daniel ta spesika ku e paña lagru ku Juan a mira tabata traha di lino (e paña di un saserdote).

— E mensahe pa kada iglesia ta kuminsá ku “Mi konose bo obra.” (2:2, 9, 13, 19; 3:1, 8, 15). Hesus ta tur ora meimei di Su pueblo. E konose Su pueblo i E konose kada unu di nos.

— E ta Esun ku a muri i resusita. E tin e yabi di morto. E ta poderosoriba morto i E ta tuma kuido di e sernan bibu.

B E karta na e shete iglesianan (Revelashon 1:11, 19-20; 2:1-7)

❖ Kon pa interpret'é (1:11, 19-20)

— E mensahe na e shete iglesianan na Asia por wòrdu interpretá den tres nivel diferente i suplementario (1:19):

(1) INMEDIATO (HISTÓRIKO): Un mensahe for di Hesus na tur iglesia reuniendo den shete statnan di Asia Menor den Juan su tempu.

(2) FUTURO (PROFÉTIKO): Un mensahe na kada siglo históriko di e Iglesia for di Juan su tempu te na nos dianan.

(3) UNIVERSAL: Un mensahe na tur iglesia i kreyente den tur momentu di historia.

❖ E mensahe na e iglesia di Efeso (2:1-7)

— Efeso tabata un stat masha importante na Asia. Juan tabata un pastor den e stat ei kual tabata yen di inmoralidat i bruheria(magia) (Echonon 19:19).

— E iglesia a keda firme den e atmósfera trubel(konfundí) ei. Sin embargo, nan a lubidá nan promé amor manera e Israel bieu a hasi (Jeremias 2:2).

— E iglesia aki ta representá e iglesia Kristian di e promé siglo (mas o menos for di 31 AD to 100 AD).

— Laga nos sigi e konseho divino pa mantene nan birtutnan i evita nan erornan:

(1) Kòrda bo promé amor.

(2) Repenti.

(3) Hasi bon obranan.